

Vischnaunca da Breil

Reglament pil diever dallas localitads communalas

1991

		En general
Art.	1	Principi
	2	Occupaziun
		Organisaziun
	3	Responsabladad
	4	Dispeta
	5	Damonda
	6	Plan d'occupaziun
	7	Radunonza da coordinaziun
		Diever regular
	8	Uras da diever
	9	Survigilanza
	10	Calzers
	11	Diever da requisits
	12	Requisits da halla
		Arranschaments
	13	Surdada e surprida dallas localitads per producciuns
	14	Mobilier e tribuna
	15	Ustria
	16	Schubergiar
		Stipulaziuns generalas
	17	Survetsch d'uorden
	18	Munglaments
	19	Fimar
		Contribuziuns e determinaziuns finalas
	20	Principi
	21	Arranschaments suttamess a taxas
	22	Uniuns d'ordeifer
	23	Excepciuns
	24	Responsabladad
	25	Responsabladad per donns
	26	Disposiziun penala
	27	Vigur

En general

Art. 1

Principi

Sefundond sin quest reglament metta la vischnaunca da Breil a disposiziun las localitads da vischnaunca per exerchezis, divertiments, concerts e representaziuns.

Las uniuns, ils arranschaders ed organisateurs sesents en vischnaunca han la preferenza. Medemamein han era las uniuns dil vischinadi en lur vischinadi la preferenza.

Damondas per il diever dallas localitads ni parts da quellas ein dad inoltrar all'administraziun communal per mauns dalla supra-stonza.

Art. 2

Occupaziun

Occupaziuns d'interess superiur (p. ex. radunonzas communalas, arranschaments, exposiziuns, concerts etc.) han la prioritad. Occupaders nudai el plan d'occupaziun vegnan orientai ad uras.

Organisaziun

Art. 3

Responsabladad

Responsabels per las hallas e localitads ein en mintga vischinadi ils geraus ensemen cul responsabel dil vischinadi pigl inventari. Tenor basegns sa il pedel vegnir tratgs tier cun vusch consultonta.

Art. 4

Dispeta

En cass da dispeta decida la supra-stonza definitiv.

Art. 5

Damonda

Tuttas damondas per il diever d'ina localitad ni l'otra sco era per parts da quellas ein da tschentiar aschi baul sco pusseivel cun il cedel d'empustaziun uffical e quei all'administraziun communal. Era per occupaziuns jamnilas regularas ei da tschentiar la damonda e quei cun indicar il di dalla jamna ed il temps effectiv per l'occupaziun.

Art. 6

Plan d'occupaziun

L'administraziun communal meina in exact plan dall'occupaziun el qual tuts termins ed uras vegnan registrai. La lubientscha per

uras da diever regularas vegn dada mintgamai per in onn. Quellas lubientschas san vegnir colligiadas cun cundiziuns specialas. Ei exista negin dretg per la renovaziun da talas lubientschas. Las uniuns dil vitg han la preferenza.

Art. 7

Damondas per midadas dallas uras ordinarias d'exercezi ein d'inoltrar avon la radunonza comunabla dallas uniuns che coordinescha ils termins.

Radunonza da coordinaziun

Tala vegn clamada en dalla cumissiun da vischinadi.

Aschilunsch ch'ei vegn giavischau neginas midadas da dis ed uras, restan quellas tuttina senza ina damonda.

Per arranschaments, presentaziuns e concerts ei la damonda per la halla ni l'aula da tschentiar el minimum in meins avon, per vischala ed inventari ina jamna avon.

Per reglar il diever dallas localitads per ils concerts annuals dallas uniuns dil vitg vegnan tuts responsabels envidai ad ina radunonza da coordinaziun che ha liug el decuors dil meins settember e vegn convocada dil gerou da cultura.

II. a) Diever regular

Art. 8

Las hallas ed aulas dalla vischnaunca da Breil stattan a disposiziun a gruppas ed uniuns per il diever regular entochen las 22.00 uras. Las localitads duvradas ein da rumir e bandunar sil pli tard ~ ura suenter igl exerchezis.

Uras da diever

Art. 9

Igl arver e serrar las localitads duvradas ei exclusivamein obligaziun dils caus dall'uniun ni gruppa. Il pedel dueigi controllar periodicamein las localitads suenter il diever ed annunziar eventualas constataziuns all'administraziun communal.

Survigilonza

Art. 10

Per e duront exerchezis da gimnastica e sport astga vegnir purtau soli pantoflas da gimnastica che donnegian e tschufrognan buca il plantschui.

Calzers

En halla astgan neginas pantoflas vegnir purtadas las qualas vegnan el medem temps era purtadas el liber.

En las localitads da duschas ei dad ir en pei blut.

Art. 11
 Diever da requisits Requisites movibels sco mattas, lattas da seglir, baras, bucs, cavals etc. astgan buca vegnir runai entuorn. Pil transport da quels requisits ei da duvrar ils indrezs e mieds avon maun.

Art. 12
 Requisites da halla Ils urdeins da halla astgan buca vegnir duvrai el liber e sin piazzas da giug. Sur d'excepziuns decida la suprastonza.

II. b) Arranschaments

Art. 13
 Surdada e surprida dallas localitads per producziuns Las localitads che vegnan duvradas per producziuns, exposiziuns e presentaziun vegnan surdadas agl organisatur entras in representant dil vischinadi. Ordinaziuns da quel ein da suandar ed exequir.
 Alla fin digl arranschament pren il responsabel dil vischinadi investa dallas localitads duvradas ed eventuels donns vegnan annunziai all'administraziun communal per mauns dalla suprastonza.

Art. 14
 Mobiliar e tribuna Igl organisatur ei sez responsabels da metter ora il mobiliar tenor agen diever e necessitad ed en cunvegnientscha cul responsabel dil vischinadi. Tut mobiliar ei dad allontanar immediat suenter las producziuns e quei tenor ordinaziun dil responsabel dil vischinadi.
 Per igl inventari duvrau ei da prestar la taxa e pagament al vischinadi.
 L'illuminaziun dalla tribuna astga vegnir manischada soli d'ina persuna cun experientscha en quella funcziun.

Art. 15
 Ustria Il menaschi d'ustria vegn menaus digl organisatur sin agen quen. Per arranschaments cun ustria ei da cuvierer il plantschiu dallas hallas culs linoleums provisorics che stattan a disposiziun. Per regla dueigien las cuschinas da scola buca vegnir duvradas per diever d'ustria a caschun d'arraschaments.
 Pil diever dalla cuschina ed office vegn surdau ina clav separata. Il purtader da quella clav ei resposabels per la surprida e rendida da quella part.

Per il menaschi d'ustria cun alcohol sto igl organisatur en tuts cass haver ina persuna cun la patenta d'ustier che surpren la responsabladad pil menaschi e procura per las necessarias lubientschas.

Art. 16
 Schubergiar Las localitads duvradas ein da schubergiar e returnar schubras ed en uorden. Era ein tualettas, il contuorn, l'entrada e plaz davon la halla da metter en uorden.
 En cass cuntrari vegnan ils cuosts per schubergiar adossai agl utilisader.

II. c) Stipulaziuns generalas

Art. 17
 Survetsch d'uorden Ils organisaturs d'arranschaments e necegiaders dallas localitads ein responsabels per in survetsch d'uorden cunvegnent. Suenter igl exercezi e suenter arranschaments ein tuts indrezs, mobillas, urdeins etc. da deponer els loghens destinai per tals.
 Igl ei da haver tut quita e spargnar ton sco pusseivel l'energia. L'escha ei da serrar e tuttas cazzolas buca necessarias ein da stizzar.

Art. 18
 Munglaments Ils cuosts per defects e munglaments vegnan tschentai a quen agl organisatur e duvrader.

Art. 19
 Fimar Cun excepziun d'organisaziuns festivas ei il fimar lubius mo els zulers. En quels cass ei igl utilisader obligaus da tschentar si tschendriers avunda.

III. Contribuziuns e determinaziuns finalas

Art. 20
 Principi Pil diever dallas localitads entras uniuns, societads e gruppas dil vitg e vischinadi ei da principi da prestar neginas contribuziuns. Excepi da quella deliberaziun da contribuziuns ein arranschaments tenor art. 21 e 22.

Art. 21

Arranschaments
suttamess a taxa Arranschaments cun entradas ein suttamess a taxas.

**1. Per arranschament e per di ei da prestar suandontas
taxas pauschalas:**

- a) Halla/cuschina/office frs. 100.–
- b) Halla/cuschina (Dardin) frs. 50.–
- c) Aula/cuschina frs. 50.–
- d) Aula/halla/cuschinas frs. 150.–
- e) Halla frs. 50.–
- f) Aula frs. 30.–
- g) Duschas frs. 20.–
- h) Lottos (ulteriuramein) frs. 100.–

2. Taxas sin sviulta 4%

Suttamess a quella taxa ein, cun excepziun dils concerts ed arranschaments annuals dallas uniuns, tuttas entradas ord bigliets d'entrada, pindels da sault, lottarias ed autras entradas semegliontas. Deliberadas da quella taxa ein, suenter haver prestau il daner d'entrada, recavs da tombolas, giugs da quiz, ingants americans, daners da partenza etc. (Daners da partenza exclusiv bons per bubrondas e tschaveras.)

Art. 22

Uniuns d'ordeifer Uniuns d'ordeifer pagan sin tuttas taxas tenor artechel 21 in supplement da minimum 100%.

Art. 23

Excepziuns En cass specials, principalmein per arranschaments d'uniuns e gruppas da cuminetel sa la suprastonza communal relaschar las taxas per part ni era dil tut. En quels cass ei da tschentar la damonda leusunter alla suprastonza communal. Medemamein sa la suprastonza stipular cundiziuns e pagaments supplementars per arranschaments extraordinaris che absorbeschan pli grondas expensas d'energia e per diever da gener privat.

Art. 24

Responsabladad La vischnaunca da Breil refusescha scadina responsabladad visavi tiazas persunas. Las uniuns respectiv ils organisaturs ein responsabels per tuts donns caschunai entras tiazas persunas. La suprastonza sa pretender digl organisatur en connex cun la lubientscha ina segirada da responsabladad.

Art. 25

Ils organisaturs ein responsabels per tuts donns caschunai vid baghetgs, indrezs, mobillas, requisits ed instruments. Tals donns ein da protocolar a caschun dalla surdada dallas localitads entras il responsabel dil vischinadi. Responsabladad per donns

Art. 26

Ad organisaturs che setegnan buca vid igl uorden e las ordinaziuns da suprastonza, pedel e responsabel dil vischinadi san ulterriuras lubientschas da diever vegnir renviadas. Disposiziun penal

Art. 27

Quei reglament passa en vigur suenter l'approbaziun entras suprastonza communal e cussegl da vischnaunca. Vigur

Approbaus dalla suprastonza communal per mauns dil cussegl da vischnaunca ella seduta dils 5 da settember 1991.

En num dalla suprastonza communal

Il president: Cathomas Sep

Il canzlist: Cahenzli Fridolin

Approbaus dil cussegl da vischnaunca e mess en vigur cun l'approbaziun a caschun dalla seduta dil cussegl dils 6 da settember 1991.

En num dil cussegl da vischnaunca

Il president: Livers Tarcisi

Il vicepresidente: Cabernard Sep